



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Pauli Segneri Societatis Jesu Brevis Vitæ Historia
cum ejusdem Concordia Quietis & Laboris in Oratione,
Expositione in Psalmum Miserere, Considerationibus de
Inferno, Expositione Cantici ...**

Massei, Giuseppe

AUGUSTÆ Vindel. & DILINGÆ, 1707

VD18 12383155

§. VIII. In Indias mitti petit; sed non impetrat.

[urn:nbn:de:hbz:466:1-47773](#)

id ipse rogatus amico cuidam suo aperuisset. Ad hunc ipsum cum subinde litteras daret: *Non ego, inquit, fui, qui ipse decernerem posthac ad ista incumbere; sed DEUS mihi non obscurè significavit, quod hac à me ipse exigat.* Faxit idem, ut hac ego præstare valeam, neque fidem ipsi datam fraugam: id enim si fieret, vehementer timerem: idcirco non omittat R. V. orare prome, quia ego vehementer contremisco. Hac ratione P. Paulus misit manum ad aratum, nec ab illo momento unquam respexit retro, semper giganteis passibus cœpto itinere progrediens.

§. VIII.

In Indias mitti petit, sed non impetrat.

Confestim advertit ejus Collegij Inquiline stam mira mutatio, apparuit enim P. Paulus totus cogitabundas, & alienus ab omni animi laxamento; perpetuò ferè suo clausus cubinulo, aut orationi vacabat, aut sacrorum librorum lectioni. Ad corporis afflictiones quod attinet, petiit, & obtinuit ab arcanorum animi arbitro, ut earum tum multis excruciare semet liceret, quām multas sine notabili valetudinis detramento usurpare sibi posse videretur: quantum autem ipse magnanimo illo fervore suo ferre sibi posse videretur, nos quidem narrare non possumus; cum præter se & DEUM, arbitrum ejus rei nullum admitteret. Audiebantur tamen totâ domo formidabiles flagrorum ictus, quibus ille in se quotidie sæviebat, & variis minimèque dubiis indiciis arguere licebat, brevissima illi esse somni spacia; nec nisi nudos super afferes exigi solita. Manifestioribus argumentis perficiendæ Paupertatis studium prodidit. Inquisivit solerter, num quid esset, quo mi-

nus

nus indigeret, & quidquid horum invenerat, confessim cubiculo suo extulit, iis etiam adjectis, quibus ægrè carebat; quo in numero fuit cistula viatoria, in quam, dum iter faciebat, suarum Concionum fasces includere consueverat; quas deinceps frusto telæ cerâ illitæ inseruit: atque hæc fuit tota sarcinarum moles, quam dum Concionum causâ ab una in aliam, quantumlibet remotam urbem abibat, secum deinceps ferre consuevit. Et quia postea caritas in eo semper crescebat, flammæ instar, aspirante propitiâ Spiritus Sancti aurâ commotæ, accensum in ejus animo est desiderium sanguinis fundendi, & vitæ in Christi honorem impendendæ, eumque in finem ardenter institit, ut ad Orientis Indias mitteretur; et si Superiores, cum cognovissent, quantum vir tam præclaris instructus dotibus emolumenti afferre posset Christianis veteribus in Europâ, è majori DEI gloria futurum existimârint, si eò abeundi facultatem illi negarent. Neque tamen idcirco flagrans divino amore animus omni spe excidit fundendi pro Christo sanguinis, amico cuidam suo fasilius, confidere se, quod maritimo aliquando in itinere aut à Turcis, aut aliis à Christo alienis captus, beatâ ilâ sorte sit potitus. Pascebat integrum Zelum suum solitâ Verbi DEI prædicandi exercitatiōne, nec unquam sacrum suggestum concendebat, quin & longas preces, & acrem sui diverberationem præmittebat. Ita autem se diverberabat, ut cum Mantua concessus est, vicini aliqui, qui è regione Collegii habitabant, audito tanto verberum strepitu, tamque in longum protracto, ad Collegium accurrerent curiosè quæsitiuri, quisnam tandem è Patribus tam atrociter in se lœviret?

§. IX.